

Na osnovu članka 16. stavak 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 7/10), na prijedlog Ministarstva za pravosuđe i upravu, Vlada Zeničko-dobojskog kantona na 141. sjednici održanoj dana 19.12.2013. godine, d o n o s i

U R E D B U

o izmjeni Uredbe o naknadama i drugim materijalnim pravima koja nemaju karakter plaće

Članak 1.

(Naknade za prijevoz na posao i s posla)

Članak 4. Uredbe o naknadama i drugim materijalnim pravima koja nemaju karakter plaće ("Službene novine Zeničko-dobojskog kantona", broj 8/09, u daljem tekstu: Uredba), mijenja se i glasi:

(1) Zaposleniku kantonalnih organa državne službe, kome nije organiziran prijevoz na posao i s posla, a koristi javni prijevoz, a čije je mjesto stanovanja udaljeno od mjesta rada, najmanje 5 (slovima: pet) kilometara a najviše 120 (slovima: stodvadeset) kilometara, pripada naknada za troškove prijevoza na posao i s posla u visini mjesečne karte za troškove prijevoza u gradskom, prigradskom odnosno, međugradskom prometu, koja se utvrđuje na osnovu priloženih dokaza izdatih od prijevozničke kuće.

(2) Pravo na naknadu troškova prijevoza, ostvaruje se na osnovu pismenog zahtjeva zaposlenika u kojem se navodi adresa stvarnog stanovanja i mjesto rada i činjenica, da i kako svakodnevno putuje od mjesta stanovanja do mjesta rada.

(3) Zaposlenik koji podnosi prvi put zahtjev za naknadu troškova prijevoza uz zahtjev prilaže: mjesečnu kartu odnosno, fakturu na ime korisnika prijevoza sa fiskalnim računom, kao dokaz da je platio mjesečnu kartu, CIPS dokument kao dokaz mjesta prebivališta odnosno boravišta i izjavu zaposlenika datu pod punom materijalnom i kaznenom odgovornošću, da svakodnevno putuje na posao i s posla iz mjesta stvarnog stanovanja (prebivališta/boravišta).

(4) Zaposleniku koji za potrebe prijevoza dolaska na posao i povratka s posla, a čije je mjesto stanovanja udaljeno od mjesta rada, najmanje 5 (slovima: pet) kilometara, a najviše 120 (slovima: stodvadeset) kilometara, koristi privatno vozilo, pripada pravo na naknadu troškova prijevoza u visini 50% cijene mjesečne karte koja se plaća na relaciji kojom putuje. Cijena mjesečne karte se utvrđuje na osnovu podataka pribavljenih od strane Službe za zajedničke poslove na osnovu zahtjeva rukovoditelja organa korisnika prijevoza, CIPS dokumenta, kao i izjave date pod punom kaznenom i materijalnom odgovornošću, da svakodnevno putuje na posao i s posla iz mjesta stvarnog stanovanja (prebivališta/boravišta).

(5) Naknadu troškova prijevoza rješenjem odobrava rukovoditelj kantonalnog organa državne službe na osnovu zahtjeva zaposlenika i dokumentacije iz stavka (3) i (4) ovog članka.

(6) Rješenje o utvrđivanju prava na naknadu troškova prijevoza mijenja se, ako se promijene činjenice vezane za ostvarivanje prava naknade troškova prijevoza.

(7) Kada rukovoditelj donese rješenje o utvrđivanju naknade troškova prijevoza, rješenje, zajedno sa navedenom dokumentacijom se službeno dostavlja Ministarstvu financija - COP, radi refundiranja troškova prijevoza. Refundiranje troškova prijevoza vršit će se u tekućem mjesecu za protekli mjesec.

(8) Zloupotreba korištenja naknade iz ovog članka smatra se materijalnom štetom i podliježe obvezi odgovornosti za tu štetu sukladno zakonu".

Članak 2.

(Stupanje na snagu)

Uredba stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 02-_____/13.

Datum, 19.12.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x „Službene novine Zeničko-dobojskog kantona“,

1x a/a.